

Бухорода «Декларациялар мулоқоти» форумининг якуний қисми бўлиб ўтмоқда



Форумда Шимолий Америка, Европа, Осиё, Яқин Шарқ ва Африка давлатларидан турли дин вакиллари, таниқли диншунослар, дин уламолари, хукуқшунослар иштирок этмоқда.

Форум президент Шавкат Мирзиёев ташаббуси билан ташкил этилган БМТнинг “Маърифат ва диний бағрикенглик” резолюциясида белгиланган тамойил ва қоидаларни ҳаётга татбиқ этиш борасидаги ишлар доирасида ўtkазилмоқда.

Тадбир якунида бутунжаҳон ҳамжамияти учун муҳим хужжатга айланадиган “Бухоро декларацияси”ни қабул қилиш режалаштирилган.

Таъкидланишича, декларация маърифат ва бағрикенглик маданияти ғояларини илгари суриш, турли дин вакилларининг миллий анъаналарини ҳурмат қилиш ва уларнинг хукуқларини таъминлаш, жаҳон миқёсида конструктив мулоқотни мустаҳкамлашга қаратилган.

Қайд этилишича, “Бухоро декларацияси”нинг қабул қилиниши Ўзбекистон илгари Марракеш, Макка, Жакарта, Вашингтон, Пунто-дел-Эстеда қабул қилинган декларацияларда ўз ифодасини топган тамойилларга тўлиқ қўшилиши ва амалга оширилаётганининг ёрқин далилидир.

“Бухоро декларацияси”ни тайёрлашда маҳаллий ва хорижий эксперталарнинг фикрлари инобатга олинди. Хусусан, Марказий ва Жанубий Осиё, Жануби-Шарқий Осиё, Яқин Шарқ, Европа ва Америкадан мутахассислар жалб қилинган.

Манба